

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe


AUGUSTÆ Vindel. & DILINGÆ, 1707

VD18 12383155

cap. 10. Ostenditur, quām abrītraria sit lex, quā asserit, quōd sine Contemplatione nemo quisquam pertingere possit ad Perfectionem; consequi nimirum finem præcipuum, qui per Orationem quæritur.

[urn:nbn:de:hbz:466:1-47773](https://nbn-resolving.de/urn:nbn:de:hbz:466:1-47773)

corda ad DEUM perducerent: propterea, quod tali in re amare sensile ut medium, nunquam reputatum sit malum hominibus, ut nos sumus, obnoxii sensui, malum fuit amare hoc ut finem. Donec igitur Ecclesia pronuntiet; pugnare cum perfectione christiana instaurare interdiu suavititer affectus pios amoris DEI, oblationis, obsequij, cavelbo diligenter ne fidem habeam audacter sic scribenti. Hoc est relinquere fontem pro rivulis; obtutum inquam fixum in DEUM, pro aliquibus leviculis affectionibus, quae ad aliud non servient, nisi ut deflorent pietatem. Credam potius, sic loqui idem esse ac conari abducere nos à rivis, qui sensim ad fontem perducant.



Caput X.

Ostenditur, quam arbitraria sit lex, quam afferitur, quod sine Contemplatione nemo quisquam pertingere possit ad perfectionem; consequi, nimirum finem precipuum, qui per Orationem queritur.

I.

Aparet igitur, tam leges, quæ spectant ad objectum Contemplationis, quam quæ pertinent ad modum contemplandi, prout ab ipsis afferuntur, plurimum habere de arbitrio. Plus tamen de hoc videntur mihi illæ participare, quæ ad Finem Contemplantis referuntur.

Finis hic est, pertingere ad perfectionem. Et quoad hoc rectè omnino res habet. Sed quid necesse est addere: quod, si pauci ad metam Christianæ perfectionis pertingunt,

gunt, causa non sit alia, quam quia pauci se impendunt Contemplationi, maximè Mysticæ; sed solum operam dant Meditationi? Hoc est sententiam ad arbitrium ferre. Neque enim vel S. Augustinus in longa illa Epistola ad Probam data de Orando DEO, neque S. Hieronymus, neque S. Gregorius, nec Sanctorum Patrum alij, qui tantopere commendarunt Orationem, unquam ad sic pronuntiandum progressi sunt. Perfectio Christiana non consistit in Oratione, ut contendebant Hæretici Massaliani, consistit in amore DEI majore aut minore. Qui aliter doceret, admonente S. Thoma, errorem assereret. Oratio tantum est medium valde præcipuum ad eam acquirendam, ut sunt etiam tria consilia Evangelica.

Omnium maximè necessaria est Oratio, quæ in peten-
2.2. q. 84. do consistit: huic enim DEUS, de lege saltem ordinaria,
a. 1. alligavit largitionem omnium gratiarum: *Petite & acci-
pietis.* Ut sic necessitas nobis imponatur cogitandi, quod
omne nostrum bonum proveniat à DEO. *Omne datum o-
ptimum, & omne donum perfectum de sursum est, descendens
à Patre luminum.*

Illa Oratio, quæ Mentalis appellatur, mirum quantum confert; cum vivo quadam lumine viam hominis dirigit, corrigat Imaginationem, convincat Intellectum, Voluntatem corroboret, & denique hominem avellat ab amore omnium rerum conditarum, efficiendo, ut illa, exemplo Assueri inventa Esthere, divina inquam consolatione, nullam jam porro rationem habeat Vasti, Consolationis nimis humanæ, tantopere antè amatæ, imò ut hujus planè oblitiscatur.

Ista autem Mentalis Oratio duplicis generis est, ut jam pluries fuit inculcatum, Meditatio & Contemplatio;

quæ

quæ ambæ eò tendunt, ut, quam modo indicavimus, utilitatem animæ afferant, et si motibus non iisdem. Velle autem ferre sententiam, quòd ad hanc utilitatem consequendam generatim pro omnibus medium aptius sit Contemplatio, quæ Meditatio; aut hæc potius, quæ illa, conatus est & labor, qui difficulter admodum tueatur respectum, non tantùm, quem personis debemus & partibus, sed etiam quem majorem debemus veritati.

Si dicatur, Contemplationem magis esse attemperatam statui hominis Perfecti, quæ statui Proficientis, aut Incipientis, rectè id afferitur. Contemplatio enim, quæ S. Gregor. est felix illud sepulchrum, in quo quiescit Anima Mundi. l. 6. mor. do mortua, naturâ suâ exigit ingentem cumulum merito. c. 17. rum, quem habere oportet ante, quæ quis ad illam admittatur: *Ingredieris in abundantia sepulchrum.* Si autem è diverso dicatur, ad statum Perfectionis etiam à multis non posse perveniri meditando, id omnino falsum est. Quod enim Concilium, quis Canon, quæ schola hanc sententiam pronuntiavit? Ne quidem necessarium ad consequendam Perfectionem medium est, sequi Consilia Evangelica; ut manifestè nos docet Ecclesia, dum Sanctorum in numerum refert tam multos, qui liberi omni nexu Veterorum, Domini magnarum opum, Patres familias, mortui sunt in suis toris Conjugalibus: & sit medium necessarium impendere se & addicere Contemplationi, & maximè illi Contemplationi, quæ Mystica dicitur? quam vix invenire sit, nisi in Animabus, quas fortasse rariùs detur invenire in Mundo, quæ Phœnices.

Si ita est, jam profectò Perfectio Christiana non potest obtineri à quolibet, etiam, qui Consilia Evangelica sequatur. **An non enim in hoc communi iudicio planè**

R

omnes

Serm. 4.
de Cir-
cumcis.

omnes consentiunt; Contemplationem ejusmodi esse do-
num gratuitum; quod DEUS nulla certa lege conferat,
cui vult, quando vult, & quantum vult, & sicut vult, &
quod nemo, quocunque demum adhibito spiritu conatu
certò illud consequi possit, donec mortales has exuvias
ponat. Multi totâ vitâ suâ ad hoc tendunt, sed non perten-
dunt, quæ sunt Melliflui Doctoris verba. Quibus tamen
si pîe & perseveranter conati sunt, statim ut de corpore exeunt,
redditur, quod in hac vita dispensativè est negatum, illuc per-
ducente eos solâ Gloriâ, quâ tendebant ipsi cum gratia. Quo-
modo igitur in arbitrio & potestate cuiusquam erit, licet
ipsa adimpleat Consilia Evangelica, consequi perfectionem,
si nulla ratione in ejus manu est illud medium, sine quo
Perfectio obtineri non potest? An est, qui speret videre si-
ne oculis, audire sine auribus, volare sine alis? idem est
in re nostra.

II.

S. Tereſ. Itin. Per- fect. c. 17. **S**ed nec ego è diverso affirmârim, Meditationem stricte sumptam, medium esse ex genere suo necessarium ad perfectionem obtainendam. Censo enim rudiores quosdam hac in vita animas, si modò se DEO nulla non die posse, ut id solùm velint, quod DEUS vult, utque id ipsum velint, quia DEUS vult: qui, si vehementer non fallor, ille est apex supremus Perfectioñis, ad quem aspirare possimus. Istud tamen asseram sine hæſitatione, generatim loquendo, Meditationem esse medium longè efficacissimum, non mi- nùs quam sit Contemplatio, cùm oppositum nullâ vel au- thoritate vel ratione, quæ vim aliquam præferat, possit demon-

demonstrari. Quin imò video S. Teresiam, ubi Meditationis specimen his verbis proponit: *Præfigimus nobis ad Me- Mans. 9.
ditandum partem aliquam Passionis, qualis esset comprehensio c. 7.
Christi in horto, & in hoc puncto examinamus, que in eo con-
tinentur &c.* mox subiungere; *Orationem ejusmodi esse val-
de mirabilem & meritoriam.* Inde dicit, nescire se unde
proveniat, ut, qui ad sublimem Contemplationem perve-
nit, illà uti non possit: nisi fortè ex eo, quòd Anima tunc
intelligat ista Mysteria modo perfectiore, solo scilicet ob-
tutu. Quando tamen excidit unquam S. Teresia, quòd
Homo meditando ad perfectionem non possit pertingere?

Advero tantùm, quòd isti alij pro sua contraria do-
ctrina adducant experientiam, dicendo: *Multos post quin-
quaginta annos exercitationis hujuscè exterioris (sic illi Me-
ditationem contemptim appellant) manere inanes DEO, &
plenosse ipsis, cùm de Spirituali, præter nomen nihil habeant.*

Si argumentum hoc desumptum ab experientia, so-
lum in hac causa deberet habere pondus potissimum, non
decessent aliqui, qui mox illud contra eos, qui sic loquun-
tur, retorquerent, & simile quid de Contemplantibus post
tantundem temporis spatium affirmarent.

Ego tamen illud non retorqueo: hæc enim foret ratio
arguendi in ordine ad propositum magis exemplo noxia,
quàm salutaris; præterquam quòd æquitas non admittat, ut
nonnullorū animositas noceat tam multis bonis, qui hīc
extra omnē culpam sunt, imò quibus ea nō parvo dolori est.

Dicam tantùm; Experientiam hīc parum valere; cùm
defectus illi, qui tribuuntur Meditanti, inveniri etiam pos-
sint in Contemplante: & defectus, quos notamus in Con-
templante, reperiri etiam possint in Meditante: omnes
enim eodem ex luto facti sumus. Defectus tamen ipsi non
Artis sunt, sed Artificis. Unde sicut Contemplans respon-
det;

det; quod non idcirco damnanda sit Contemplatio, quia aliqui, qui certo consilio illi addicti sunt, prodeunt subinde Homines sui judicij tenaces, intolerantes injuriarum, asperi, & inimici laboris; cum totum hoc ex eorum vitio nascatur. Ita non minus respondebit Meditans, si audierit, reos non paucorum defectuum agi eos, qui diu Meditationi operam dederunt.

In hoc igitur genere potius dicendum, sicut affirmari non potest, quænam tandem naves desideratum ad portum certius perveniant, illæne, quæ expansis velis alto mari provehuntur; an verò illæ, quæ remis propelluntur, cum non hæ minùs, quam illæ mille periculis obnoxiae sint, eti diversis; ita nec pronuntiari posse, quinam tandem homines certius ad Perfectionis portum perveniant, illine qui vela divini spiritus auræ pandunt in Oratione magis sublimi, an verò qui remis provehuntur, mentis conatum & laborem adhibendo?

2.2.q.181 **a. 2.** Meditatio, confessione omnium, pertinet ad vitam activam; hæc enim attendit ad extirpationem virtutum debitam ad normam redigantur actiones exteriores, sive hæ propriam tantum, sive alienam etiam salutem spectent, qui est totus finis Marthæ. Contemplatio autem refertur ad vitam Contemplativam, quæ id unum sibi præfixum habet, ut DEO præsente in silentio fruatur, qui est finis Magdalene.

Quare sicut pronuntiari non potest, quænam istorum duarum vitarum majores Ecclesiæ Sanctos dederit, Activanæ, an Contemplativa, cum utraque dederit longè plurimos, ita nec pronuntiari potest, quisnam istorum duorum Orandi modorum, Meditatio an Contemplatio plures dederit,

Adver-

Advertendum tantum erit cum S. Thoma, inter vitas Activam & Contemplativam, medianam esse aliquam vitam, quae ex utrâque resultat & Mixta dicitur: atque hæc ex genere suo perfectior est, ut omne totum perfectius est singulis partibus, quæ illud constituunt. Hinc Christus non dixit Magdalenæ, quod optimam ipsa vitam, seu statum; sed tantum, quod optimam partem sibi elegerit, si hæc comparetur cum illa, quam elegit Martha. Non dixit Dominus In Com. nus de Maria, quod optimum sibi elegit, sed quod elegit sibi o- ment. ad ptimam partem: melior enim est pars Contemplativa, quam 2.2. q. 18 t. pars Activa. De cetero, ut ingeniosè pergit observare Ca- n. 1. ad. 3. jetanus, totum, quod resultasset ex his partibus melius fu- turum fuisset, quam singulæ, utrâque enim parte melius est ipsum totum. Hinc S. Franciscum Salesium, solitâ illâ sua Epist. p. 1. suavitate, scripsisse aliquando legimus, quod si ipse præ- l. 2. Epist. sens adesse potuisset in fortunatissimo illo Bethaniæ castel- lo tantum non ausurum se fuisse propius accedere ad duas illas beatas Sorores, & cuilibet eorum dicere, ut tantisper partes inter se suas mutarent, sic ut Magdalena sublevaret nonnihil labores Marthæ, Marthæ autem quietis illius par- tem caperet, quâ gaudebat Magdalena.

Sicut igitur, ut ad propositum redeamus, est inter geminas istas vitas, Activam & Contemplativam, melior tertia, quæ est vita Mixta, cur non pari modo dicere oportebit, inter celebres istos modos orandi Contemplationem ac Meditationem, tertium esse, qui utrumlibet supereret, totum inquam illud Orationis Mentalis, quod Comple- citur utramque partem, & Meditandi & Contemplandi, pro temporum & rerum varietate?

Certa res est, quamvis Contemplativa vita ex se in- dicium sit, quod DEUS affectu sincerissimo diligatur,

R. 3

majus

L. 1. de
Com-
punct.
tom. 5.

majus tamen ejusce amoris indicium esse, relinquere non
nunquam illam pro vita Activa. Unde S. Joannes Chry-
sto[n]us ponderans ardentia illa Apostoli Pauli verba:
Optabam ego ipse anathema esse à Christo pro fratribus meis.
Aureo ore suo pronuntiavit: Apostolum tam fuisse ebri-
um amore erga suum Christum, ut placendi ipsi studio, ne
quidem pensi haberet ipso frui: *Ita totam mentem ejus de-*
merserat amor Christi, ut etiam hoc, quod ei præ ceteris ama-
bilis erat, esse cum Christo, rursum id ipsum, quia ita placeret
Christo, contemneret.

Eccur igitur non possit nonnunquam provenire ex
majori erga DEUM amore, ut homo deliberata voluntate
omittat contemplari, teneatque se intra fines simplicis Me-
ditationis, quando id majus obsequium DEI ita postulârit,
ratione habitâ gravium curarum, quibus sit occupatus;
ratione habitâ negotiorum familiæ, itinerum, concionum,
aut etiam privationis auræ illius Spiritus Sancti propitiæ,
quæ sine temerarium est velle plenis velis invehi, sed ne-
cessè est aut remo strenuè uti, aut in portu hærere?

Iterum ergo hic iterumque inculco, quod, sicut non
potest semper dici, quid expedit, velis an remis uti, ut
ad portum perveniat, ita neque semper dici posse, quid
præstet ad consequendam desideratam perfectionem, con-
templari, an yerò meditari? Addam autem, illud omnibus
aliis melius esse si DEUS dederit, scire navigare pro ratione
ac diversitate temporum. Unde omnes inter naves, quæ
fulcant aquas, magis laudantur, proportione suâ, & dem-
ptis certis adjunctis, quæ aut remis aut velis provehi
possunt, aut etiam utrisque in portum
propelli.

Caput XI.